

臨湘縣志卷八

兵防志

舊志載兵防仍纂其梗概載之前行團練乃道光以後事亦撮舉而彙次焉惟歷代兵事涉及茲域者未經采掇今此增輯諷稽史冊凡戰事所涉關繫尤大者悉行蒐補附著於後考茲邑實扼洞庭荆江門戶自東晉以來有事楚蜀者扼要爭奇多在城陵磯與三江口陸通長沙鄂渚亦攻守孔道其閒勝負著在往昔多矣夫設險守國伊古明訓雖無地利尙思阻隘況水則憑依天塹陸則嶽岑相望金湯之壯無殊天設以攻則何敵不摧以守則何瑕可蹈若茲邑者豈非壯縣乎哉覽者可以奮然思壯干城而抗威棱矣作兵防志

兵制

明五千六百人爲一衛洪武四年置岳州衛或千百戶下屯臨湘

本朝康熙十八年設把總一員駐城雍正七年添設外委一員駐路口鋪

城守兵二十名

東南陸塘七 桃李橋塘 雲溪驛塘 南村鋪塘

路口鋪塘 長安驛塘 泉塘鋪塘 梧桐鋪塘

西北陸塘一 萬庫里塘 兵各五名

水塘二 道人磯塘 沙窩塘 兵各五名 同治四年

裁原額兵數四成見額兵共四十二名

同治八年設長江水師

駐防城陵磯汛千總一員兵吏十五名領舳板礮船

一隻

駐防象骨汛千總一員兵吏十五名領舳板礮船一

隻外委一員兵吏十四名領舳板礮船一隻

分駐唐家灣汛把總一員兵吏十五名領舳板礮船

一隻

附民壯弓兵

明衛所之外有民壯正統二年始募所在軍餘民壯宏

臨湘縣志

卷八

兵防志

兵制

二

治二年立僉民壯法七八百里以上里僉五人五百

里四人三百里三人百里以上二人有司訓練遇警

調發或稱機兵在巡檢司者稱弓兵嘉靖二十二年

增額大州縣千人次六七百人小者五百人

本朝汰其數臨湘額設五十名雍正九年奉文抽撥本

府防護民壯三名抽撥清軍廳八名抽撥督糧廳三

名見實額三十六名

明鴨欄司八十名快船五隻城陵司百名快船五隻嘉

靖閒添設土界巡檢弓兵四十名

本朝因明制而汰其數見今隸長安司八名隸桃林司

八名

驛傳

雲溪驛在縣南三十里明天順五年置由驛南六十里至巴陵縣岳陽驛由驛北六十里至長安驛設馬四十二匹馬夫二十一名排夫六十三名

長安驛在縣東五十里明洪武十四年置由驛南六十里至雲溪驛由驛北六十里至湖北蒲圻縣港口驛設馬四十二匹馬夫二十一名排夫六十三名城陵水驛在縣西南四十五里

鳴欄水驛在縣東北十五里俱明洪武間建萬曆間裁

附鋪遞

臨湘縣志

卷八

兵防志

驛傳

三

總鋪在縣城鋪司七名

南路七鋪總鋪起十五里至臣山七名十里至西坪十名

十里至南村八名十里至樟坪十名白螺小路送十五里至漿

坑十里至桃李各八名十里至平田十名送十名城陵磯小路十里至

巴陵縣界 共額設司兵六十八名

北路七鋪臣山起十五里至路口八名十里至雙路十名

小路送十里至長安十里至泉塘十里至平水十里

至梧桐各八名十里至官莊八名十里至湖北蒲圻縣

界 共額設司兵五十八名半

團練

五門總局統城內外堡通濟唐灣省堂

基隆總局統渣埠象骨樟坪李橋鄭嶺新生三聖魯源寨旗

松山總局統松山巖嶺木嶺清平桃李

白荆總局統白荆南莊丁新東青山光遠鴨欄涇港望城東港

聶市總局統聶市金竹權橋羅橋中立善俗爬兒松潑

沅潭總局統沅潭土地馬白赤西鐵鑪湯畝茅石里仁吳揚射

馬頭總局統馬頭西坪南村灰山路口臣山丁家衝把截總局統東團西團南團北團南溪中畝王坡

臨湘縣志

卷八

兵防志

團練

四

桃林總局統桃林林公青山鄭源柘橋合盤閭段西塘白楊方山

忠防總局統忠防土城籬筐

界頭總局統大界沙團長坪泥坪大雲頭巾豪頭

洋樓總局統磨石黃泥山荆水田文白橫溪柘港雅團龍源

萬庫總局統磨盤明月鐙窩坪松萬峯西沙黃土關石芭茅茶河孔旗

咸豐二年合縣團練共百一局六年知縣周廷鑑以團勢散漫建十三總局統之火藥器械悉由官給經費則隨田派取

兵事

晉安帝隆安三年荊州刺史殷仲堪遣從弟遙帥水師

七千至三江口江一作西擊桓元敗績晉書殷仲堪傳

劉宋文帝元嘉三年春荊州刺史謝晦反以師次於巴

陵帝命中領軍到彥之征北將軍檀道濟大破晦於

隱磯宋書本紀

梁簡文帝大寶二年大都督王僧辯帥諸將東擊侯景

軍次巴陵聞郢州陷因畱戍之景使宋子仙前驅一

萬至巴陵分遣任約直指江陵悉凶徒水步繼進於

是緣江戍邏望風請服賊拓邏至於隱磯景軍濟江

百道攻城城中矢石雨下殺傷甚多世祖又命平北

臨湘縣志 卷八 兵防志 兵事 五

將軍胡僧祐率兵援僧辯僧祐至湘浦在城陵磯下有侯景港一

名侯潛引兵至沙亭景遣任約帥銳卒據白堦會信

州刺史陸法和至與僧祐縱兵擊之約兵大潰禽約

景焚營遁天監中僧寶誌為符書云起自汝蔡訖於

三湘後景起於汝蔡之南敗於三湘之浦通鑑綱目

元和志

後唐明宗天成三年四月吳遣苗璘聶彥章攻岳州至

君山楚遣許德勳將戰艦千二百艘禦之潛軍角子

湖使王環為木龍鎖舟帥戰艦二百絕吳歸路吳人

進軍荆江口將會荆南兵攻岳州至道人磯德勳命

詹信詹一作信以梅花海鵲迅舸三百進斷木龍出吳軍

後自以大軍當其前夾擊之大敗吳軍二萬生禽將士五百餘人虜璘及彥章以歸德勳將水軍屯岳州自是岳鄂潭朗皆有重兵

宋太祖建隆四年朗州軍亂詔以慕容延釗爲湖南道行營前軍都部署延釗方病令肩輿卽戎事以李處耘爲都監師次荆門高繼冲遣其叔保寅軍校梁延嗣奉牛酒犒師處耘乃召保寅等晏延釗之帳密遣輕騎數千倍道前進繼冲惶怖出迎因調發江陵卒并其帥趨朗州先遣別將分麾下及江陵兵趨岳州大敗賊於三江口

通鑑

元至正二十四年是年爲明太祖吳元年三月遣湖廣

臨湘縣志

卷八

兵防志

兵事

六

行省楊璟畧定岳州屯於三江口

明史

明正德五年沔陽賊楊清邱仁等僭稱天王將軍出沒洞庭閒圍岳州陷臨湘官軍屢失利詔刑部尙書洪鍾總制軍務率總兵毛倫布政使陳鎬副使蔣昇檄都指揮潘勳柴奎擊破之於麻穰灘斬首七百餘

明

史洪鍾傳

嘉靖四十三年賊寇縣殺典史子蘇壽刦庫銀千兩隆慶六年賊復寇縣焚署傷署縣事府倅黃汝彥刦庫銀千餘兩

莊烈帝十六年闖賊僞防禦使孟長庚僞將軍任光榮引眾泊荆河口巡按劉熙祚沅撫李乾德與江防

道許璟督兵大戰湖中十日三捷賊揚帆過城陵磯
官軍用木筏載大礮攻沈賊舟十六隻賊登岸於磯
下潛渡參將孔全彬伏兵蓮花塘蘆葦中突起擊賊
截殺過半

是年秋八月張獻忠陷咸甯蒲圻距岳州二百里沅
撫李乾德總兵孔希貴以兵二萬守城陵磯拒戰乾
德先設伏令軍士詐爲居民迎賊入城伏發盡殲畱
四賊割耳貫箭縱回以辱賊獻忠怒益進攻乾德虛
立營壘於林中植幟置礮覆薪賊以火攻礮發斃賊
數百人賊水陸並進乾德飾戰艦中流待賊矢礮既
盡水陸截擊三戰三克殲其前部獻忠悉眾二十萬

臨湘縣志

卷八

兵防志

兵事

七

百道並進乾德等走岳州陷賊分掠諸縣陷臨湘知
縣林不息死之 十月武昌都督左良玉遣將馬士
秀等以步兵戍臨湘岳州 乙酉獻忠遣賊將馬賜
下臨湘取米及釜方國安遣兵進扼於蒲圻 十一

月甲寅馬士秀等復臨湘賊奔岳州

明史紀事本末

本朝順治二年五月闖賊餘黨走湖廣江西其酋王進

才馬進忠

卽混十萬
又號黑馬

尤慘酷臨華搜殺殆遍

府志

康熙十三年吳三桂遣僞將吳應麒率眾陷岳州夏
四月初十日大軍進駐城陵磯

府志

十六年大軍由縣巖嶺閒道復長沙 冬十二月大
軍復平江及臨湘時安遠靖寇大將軍貝勒尙善帥

師赴岳州平江監生黃素公等上書請先復平江次及臨湘貝勒從之十四日遣都統趙某等以次畧定府志

道光二十四年湖北崇陽縣鍾人傑作亂擾及邑之萬庫楚衝等里

咸豐二年十一月初七日粵賊自岳州入臨湘廣西提督向榮追勦道出邑之田喬畷賊聞風遁去

四年四月十六日粵賊自武昌復陷岳州分股盤踞臨湘連營六十里聞前兵部侍郎曾國藩會師東下駐城陵磯水陸連捷乃焚官署刦倉穀遁去

是年閏七月二日提督塔齊布前直隸州知州羅澤

臨湘縣志

卷八

兵防志

兵事

八

南合軍攻岳州破高橋賊壘九賊退踞城陵磯復連破賊營三追至擂鼓臺殲賊八百有奇塔齊布親刃僞丞相曾天養賊宵遁官軍自臨湘進駐長安驛賊分四路來犯羅澤南令偃旗息鼓乘閒突起擊之賊大潰

五年賊踞湖北通城蒲圻二縣蒲圻知縣孫守信駐邑東北界與邑之坪松關石等團約爲聲援屢有斬獲賊銜之七月掩至坪松等團燬民居無算殺男婦數百人其踞通城之賊於四月擾邑南界忠防團諸生李文淳戰沒七月署縣事姚榮卿進勦復被戕賊焰愈熾十月擁入楚衝交古等里大肆刦掠男婦死

者亦數百人

六年五月土匪結連粵逆自通城至邑之桃樹坳連營二十里眾號數萬武生習其鵬於五月初五日五鼓由把截坳潛率團勇數百攻桃樹坳殲賊二百有奇生擒逆首牛共義獲錢糧器械無算隨焚其巢餘賊遠竄

是年十月通城賊驅土匪數千由龍窖山至楊家橋沿路擄劫時卽選道王鑫領軍至岳州聞警星夜移營進紮邑之把截坳賊望風奔潰乃傳集各團練勇搜賊之倚山爲巢者土匪自是斂跡

同治三年四月叛勇滋擾道出詹家橋知縣盛慶紱

臨湘縣志

卷八

兵防志

兵事

九

原名一朝設伏待之叛勇聞有備迂道竄去